

Na osnovu člana 32. Zakona o javnim nabavkama Bosne i Hercegovine („Službeni glasnik BiH“ 39/14), a nakon provedenog otvorenog postupka nabavke roba: „LOT 2035 B - Ukapljeni naftni plin LPG“ sa sukcesivnom isporukom za potrebe KJKP „Gradski saobraćaj“ d.o.o. Sarajevo, zaključuje se

OKVIRNI SPORAZUM

O NABAVCI ROBE: „LOT 2035 B - Ukapljeni naftni plin LPG“

Između:

1. **Kantonalno javno komunalno preduzeće „Gradski saobraćaj“ d.o.o. Sarajevo**, ul. Srđana Aleksića br.1, Sarajevo, ID broj: 4200055640002, PDV broj: 200055640002, transakcijski račun broj: 1540012000237552 kod Intesa SanPaolo banka, **koga zastupa V.D. Generalni direktor Mr. Senad Mujagić**, s jedne strane / **u daljem tekstu: Ugovorni organ**/
2. **“HIFA PETROL” d.o.o. Sarajevo**, adresa: Ul. Hotonj bb, 71320 Vogošća – Sarajevo, ID broj: 4200999090005, PDV broj: 200999090005, transakcijski račun: 3385502203296597 kod Unikredit bank dd Mostar, **koga zastupa Direktor Muhamed Vrabac**, s druge strane (**u daljem tekstu: Dobavljač**)

I PREDMET OKVIRNOG SPORAZUMA

Član 1.

Ovim Okvirnim sporazumom ugovorne strane regulišu okvirna pitanja vezana za realizaciju nabavke robe: „**LOT 2035 B - Ukapljeni naftni plin LPG**“

Član 2.

Predmet ovog sporazuma je sukcesivna nabavka roba: „**LOT 2035 B - Ukapljeni naftni plin LPG**“ od dobavljača „**HIFA PETROL**“ d.o.o. Sarajevo Ul. Hotonj bb, 71320 Vogošća – Sarajevo, kojem je na osnovu Ponude broj: **11320 od 27.08.2020. godine i broj: 4407 od 06.04.2021. godine** dodijeljen Okvirni sporazum Odlukom Ugovornog organa broj **05/223 od 08.04.2021. godine**, postupak proveden po otvorenom postupku javne nabavke pokrenut Obavještenjem o nabavci broj: 257-1-1-122-3-151/20 objavljeno na Portalu Agencije za javne nabavke dana 06.08.2020 godine i u „Službenom glasniku BiH“ broj: 50 od 14.08.2020. godine.

II CIJENA, OBRAČUN, PLAĆANJE

Član 3.

- (1) Dobavljač se obavezuje da će Ugovornom organu isporučiti robu iz Člana 1. ovog Sporazuma, pod uslovima i kao što je naznačeno u prilogu ovog Okvirnog sporazuma (Aneks II, Aneks III), koji čine njegov sastavni dio.
- (2) Vrijednost nabavke po ovom Okvirom sporazumu za period od 1 (jedna) godina, iznosi **480.700,00 KM bez PDV-a**, odnosno **562.419,00 KM sa uračunatim PDV-om**.
- (3) Jedinična cijena iznosi: **0,95 KM/litar bez PDV-a**, odnosno **1,11 KM/litar sa PDV-om**, kao što je naznačeno u prilogu ovog Okvirnog sporazuma - Aneks II koji je sastavni dio sporazuma.
- (4) Okvirni sporazum se zaključuje na period od 1 (jedne) godine, tj. od dana potpisivanja ugovornih strana, odnosno maksimalne finansijske vrijednosti okvirnog sporazuma navedene u stavu (2), dok će se pojedinačni ugovori zaključivati sukcesivno, prema potrebama Ugovornog organa

Član 4.

- (1) Na osnovu ovog Okvirnog sporazuma ugovorne strane će zaključiti pojedinačne ugovore kojima će se bliže regulisati prava i obaveze za realizaciju ovog Okvirnog sporazuma.
- (2) Pojedinačni ugovori zaključivati će se sukcesivno, prema potrebama Ugovornog organa, a na osnovu narudžbe / pismenog zahtjeva Ugovornog organa.
- (3) Pojedinačne nabavke, odnosno Ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi.
- (4) Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe Zakona o obligacionim odnosima.

III GARANCIJA ZA DOBRO IZVRŠENJE POSLA

Član 5.

- (1) Garancija za uredno izvršenje posla treba da glasi na iznos 10% vrijednosti Okvirnog sporazuma (bez PDV-a). Garancija se obavezno dostavlja u formi безусловne bankovne garancije propisane Pravilnikom o formi garancije za ozbiljnost ponude i izvršenje ugovora („Službeni glasnik BiH“ br. 90/14). Period važenja garancije je 15 (petnaest) mjeseci.
- (2) Garancija za uredno izvršenje posla se predaje u roku od 10 dana od dana zaključivanja Okvirnog sporazuma. U slučaju da izabrani ponuđač ne dostavi garanciju za uredno izvršenje Okvirnog sporazuma, zaključeni Okvirni sporazum se smatra apsolutno ništavnim.

Član 6.

U okviru perioda važenja Okvirnog sporazuma koji je naveden u Članu 3. za pojedinačne nabavke neće se primjenjivati odredbe propisa kojima se uređuje postupak javne nabavke.

Član 7.

- (1) Cijene iz ovog Sporazuma su promjenjive u toku važenja Okvirnog sporazuma.
- (2) Cijena će se računati na osnovu cijene dobavljača utvrđene na osnovu E-aukcije, koja će biti korigovana u skladu sa promjenom prosječne cijene ukapljenog naftnog plina LPG, a prema posljednjim objavljenim podacima Federalnog ministarstva trgovine (<https://www.fmt.gov.ba/novosti/informacija-o-kretanju-cijena-za-mjesec->), u vrijeme potpisivanja Okvirnog sporazuma i na dan zaključivanja pojedinačnog ugovora. To znači da će odnos cijene ukapljenog naftnog plina LPG dobavljača nakon E-aukcije i prosječne cijene ukapljenog naftnog plina LPG objavljene na web stranici Federalnog ministarstva trgovine u vrijeme potpisivanja Okvirnog sporazuma biti jednak odnosu prosječne cijene ukapljenog naftnog plina LPG u pojedinačnom ugovoru i prosječne cijene ukapljenog naftnog plina LPG objavljene na web stranici Federalnog ministarstva trgovine u vrijeme potpisivanja pojedinačnog ugovora.
- (3) Promjena cijene ukapljenog naftnog plina LPG u vrijeme potpisivanja pojedinačnog ugovora u odnosu na cijenu ukapljenog naftnog plina LPG u Okvirnom sporazumu procentualno će odgovarati promjeni prosječne cijene ukapljenog naftnog plina LPG u vrijeme potpisivanja pojedinačnog ugovora i prosječne cijene na dan potpisivanja Okvirnog sporazuma, a prema obrascu:

$$C_{\text{cijena LPG u ugovoru}} = C_{\text{cijena LPG iz Okvirnog sporazuma}} \times (C_{\text{cijena LPG na dan ugovora}} / C_{\text{cijena LPG na dan Okvirnog sporazuma}})$$

(KM/litar)

gdje je:

- *Cijena LPG iz Okvirnog sporazuma - (0,95 KM/l bez PDV-a, odnosno 1,11 KM/l sa PDV-om);*
- *Cijena LPG na dan ugovora - prosječna cijena ukapljenog naftnog plina LPG objavljena na web stranici Federalnog ministarstva trgovine u vrijeme potpisivanja pojedinačnog ugovora;*
- *Cijena LPG na dan Okvirnog sporazuma - prosječna cijena ukapljenog naftnog plina LPG objavljena na web stranici Federalnog ministarstva trgovine u vrijeme potpisivanja Okvirnog sporazuma (Za februar 2021. iznosi: 0,94 KM/litar bez PDV-a , odnosno 1,10 KM/litar sa PDV-om)*

III MJESTO, ROK, NAČIN ISPORUKE I KVALITET ROBE

Član 8.

(1) Dobavljač se obavezuje:

1. da posjeduje prodajno mjesto ukapljenog naftnog plina LPG - benzinske stanice, kapaciteta istakanja 2.000 litara u satu;
 2. da su benzinske stanice – punionice ukapljenog naftnog plina LPG-a udaljene od sjedišta ugovornog organa najviše 5 km, a mjereno najkraćim rastojanjem po saobraćajnicama kojima je dozvoljen saobraćaj autobusima;
 3. da može da puni i zglobna vozila dužine 18 m;
 4. da pumpna stanica vrši punjenje 00-24 sata dnevno svaki dan u sedmici, odnosno da omogući nesmetan pristup autobusima Ugovornog organa u svim terminima od 00 – 24 sata;
 5. da će svrstati ugovorni organ u prioritetnog kupca, što znači da će obezbjediti kontinuirano snadbijevanje ugovornog organa;
 6. da će obezbjediti odoriranje ukapljenog naftnog plina LPG;
 7. da će poslije svakog punjenja autobusa izdati fiskalni račun za utočeni ukapljeni naftni plin LPG u autobus po cijeni koja je utvrđena u pojedinačnom Ugovoru koji je zaključen na osnovu Okvirnog sporazuma.
- (2) Dobavljač će isporučivati, a Ugovorni organ preuzimati ugovorenu robu sukcesivno, prema dispoziciji Ugovornog organa, a na temelju narudžbenice / pismenog zahtjeva za određenu količinu robe.
- (3) Dobavljač se obavezuje da će ugovorenu robu koja je predmet isporuke biti kvalitete utvrđene važećim propisima o kvaliteti iste u Bosni i Hercegovini.

IV ZAVRŠNE ODREDBE

Član 9.

Odredbe ovog Okvirnog sporazuma ne mogu se mijenjati nakon njegovog zaključivanja u pogledu vrijednosti ili maksimalnih okvirnih količina navedenih u Tehničkim podacima i elementima ponude (Aneks III).

Član 10.

Ukoliko dobavljač u toku realizacije pojedinačnih ugovora o nabavci robe na bilo koji način neuredno ispunjava preuzete ugovorne obaveze, a naročito u pogledu utvrđenih rokova isporuke, kvaliteta i kvantiteta robe koja je predmet ovog Okvirnog sporazuma, Ugovorni organ ima pravo aktivirati Garanciju za uredno izvršenje posla.

Član 11.

Sve eventualne sporove ugovorne strane će rješavati mirnim putem, a ukoliko to nije moguće za rješavanje spora nadležan je Općinski sud u Sarajevu.

Član 12.

- (1) Ovaj Okvirni sporazum stupa na snagu danom potpisivanja obje ugovorne strane.
- (2) Obje ugovorne strane će ovaj Okvirni sporazuma potpisati istog dana

Član 14.

Ovaj Okvirni sporazum sačinjen je u pet /5/ primjerka, od kojih ugovorni organ zadržava tri /3/, a dobavljač dva /2/ primjerka.

Salko Šehović
SUPOTPISNIK:
Salko Šehović, dipl.ing.saob.

Za DOBAVLJAČA

DIREKTOR

Muhamed Vrabac



Broj: 1191/21

Datum: 09.04.2021. g.

Za UGOVORNI ORGAN

V.D. GENERALNI DIREKTOR

Mr. Senad Mujagić



Broj: 4950

Datum: 09-04-2021